

防
河
奏
議

防河奏議目次

卷七

恭賀日月合璧五星聯珠

恭賀黃河澄清

恭賀滇省慶雲

恭賀

景陵瑞芝

恭賀黔省慶雲

恭賀萬靈瑞蘭

恭賀 闕里慶雲

恭賀登萊彩雲

恭賀晉省保德卿雲

恭賀遵化鳳凰翔集都勻石芝挺生

恭賀臨晉卿雲麗日文水河渠自成

恭賀

景陵產瑞芝三本

恭賀瑞穀

恭賀河州河清

恭賀

景陵產石芝一本彩芝四本

恭賀 闕里慶雲再見

防河奏議卷七

奉天侯爵李鴻章奏為恭摺仰祈聖鑒事

恭賀日月合璧五星聯珠

題為

聖德同天七政呈瑞恭申忭賀仰祈

睿鑒事雍正三年二月二十二日准禮部咨開本

年正月二十九日奉

旨據欽天監奏稱雍正三年二月初二日庚午日
月合璧以同明五星連珠而共貫宿躔營室之

次位當姬訾之宮爲從來未有之瑞應請勅侍
史館等語朕惟日月五星運行於天本有常度
是以從古曆元可坐算而得然古稱高陽時五
星會於營室漢帝時五星聚於東井宋祖時五
星聚於奎壁史書皆紀以爲祥蓋七政會合數
雖一定而遭逢其時者實海宇昇平民安物阜
之會也若以爲德化所致朕方臨御二載有何
功德遽能致此嘉祥皆由我

皇考六十餘年聖德神功蟠天際地爲千古不世出

之君爲

上天第一篤愛之子所以純禧駢集曆數綿長錫祚
垂光至於今日覩此難逢之嘉瑞朕嗣統以來
兢兢業業率由舊章惟以

皇考之心爲心以

皇考之政爲政宅中圖治罔敢稍越尺寸故邀

上天垂鑒仍如

皇考之御宇綏猷而錫以無疆之福也朕幸逢嘉會
不但不敢自居亦且不敢自謙總由

上天申眷

皇考朕與天下臣民同在福祐之中當與天下臣民
共慶之所奏著付史館并頒示中外該部知道
欽此欽遵移咨到臣跪讀之下不勝忭舞
惟我

皇上

德協重華

光昭復旦

敬五事而五行克正

齊七政而七曜交輝

龍飛歲在旃蒙景運啟雲翔霞蔚

鳳曆初回斗柄嘉祥兆璧合珠聯星涵太史之河
雙懸明鏡曜映文昌之府環聚中樞誠千古
氣運之隆實萬世綿長之福伏思

聖祖峻德開

天久矣凝承而篤祐恭逢

皇上文明協

帝猶然謙讓以禋躬

至孝至仁愈厪

宸衷翼翼

欽承欽若欣瞻

詔命煌煌將見

日升月恒玉燭叶三靈而薦祉從此

星輝海潤璇穹同六合以迎禧臣恭聞

天瑞踴躍歡欣緣辦事河干不獲同在

廷諸臣隨班拜舞謹繕疏題

賀伏祈

皇上睿鑒施行雍正三年二月二十九日

題奉

旨該部知道欽此

恭賀黃河澄清

題爲恭報

聖世河清昌期嘉應事切照豫省黃河自雍正四年十二月初九日起漸見澄清至十六十七等日尤爲清澈臣在祥符縣北岸工所覩此奇瑞隨委員各處查驗去後節據河南管河道廳並山東兗州府黃河同知陸續詳報到臣伏查黃流循軌原爲盛世之休徵河水澄清更屬

聖朝之嘉瑞稽之史冊千餘年僅見一書考之輿
圖數百里已稱奇異未有千里之遙彌月之
久澄明清澈一氣綿長如

今日者也欽惟我

皇上天地同心乾坤合撰

至誠上格

蒼穹快覩平成底績異瑞矧昭黃濱欣看清晏呈祥
水由地中喜澄光之如練源從天上慶朗鑑
之無翳歷境彌長爲時甚永父老歡呼閭閻

喜慶皆由我

皇上位育清寧奠安河岳之所致也

臣

目覩奇徵

躬逢盛事溯河水之漣漪益思

聖德鑒平波之皎潔愈感

天庥踴躍彌深歡忭倍切理合會同河臣齊蘓勒

恭疏題

賀伏乞

皇上睿鑒施行雍正五年正月十九日

題奉

旨該部知道欽此

恭賀

萬壽節雲南呈現慶雲

題爲恭逢

聖誕瑞洽慶雲敬申賀悃仰祈

睿鑒事雍正七年三月初二日准禮部咨開本年
正月初九日奉

旨朕治天下以實心實政爲務不言祥瑞屢頒諭
旨甚明今據雲貴廣西總督鄂爾泰摺奏雍正
六年十月二十九日恭逢萬壽令節雲南四府

三縣卿雲呈現光燦捧日經辰已午三時之久
又奏摺內引孝經援神契之語曰天子孝則慶
雲見朕之事

親不敢言孝但自藩邸以至於今四十餘年以來誠
敬之心有如一日祇此一念可以自信而鄂爾
泰援引典籍以慶雲爲朕孝之感朕每承

天眷昭示嘉祥感激慶幸之中益加儆惕茲逢慶雲
之瑞實愈增朕心之敬畏鄂爾泰公忠體國實
爲不世出之名臣數年以來節制滇黔化導所

屬官吏人人奉公盡職懷忠君親上之心是以
於朕萬壽之辰

天錫慶雲於滇省正所以表著該省官吏敬恭協和
之忱惻也此則朕心深爲嘉悅俟鄂爾泰題本
到日另降諭旨今諸王大臣等奏請宣付史館
朕之允行者非欲誇示於衆也蓋以天人感召
之理捷於影響該督正已率屬有忠愛之丹誠
則該省受福迎祥有光昭之瑞應朕願內外大
小臣工均以鄂爾泰爲法且願遠近各省官民

等聞風慕義興孝勸忠人人共受

上天之福佑乃朕心之所謂上祥大瑞也欽此移咨

到臣欽惟我

皇上

堯雲廣被

舜日重華

開壽域於八埏清寧合撰

轉洪鈞於一氣宇宙同春

大孝格

天會見天庥游至

深仁育物聿彰物采休明恭逢

聖誕良辰歡騰華祝適遇壽星分野慶洽雲蒸越
兩日以彌鮮合兆民而共覩鸞翔鳳舞照耀
三時岳峙川渟輝煌萬里恭覩金柯玉葉彌
昭

聖德之光昌敬瞻瓊蕊瑤葩益仰

皇猷之丕冒積遠近休嘉之氣過化存神會

明良喜起之風重熙累洽太平有象兆協屢豐

萬壽無疆光添上瑞臣職司河務欣看黃水澄清

幸際

昌期共仰慶雲爛縵昭回於上燦如璧合珠聯澤
潤靡涯渥若醴泉甘露卜億萬年之

景運郁郁續續登千百國於春臺熙熙皞皞民安
物阜同瞻

化日之舒長大法小廉咸感

恩波之浩蕩

臣

不勝踴躍懼忭之至理合恭疏慶

賀伏祈

皇上睿鑒施行雍正七年四月初十日

題奉

旨該部知道欽此

恭賀

景陵瑞芝

題爲

聖孝格

天疊見太和瑞應神芝特產欣逢

萬壽昌期恭疏申賀永慶嘉祥事雍正七年十一

月初七日准禮部咨開本年十月初五日奉

旨據領侍衛內大臣尙崇熙等奏

景陵

聖德神功碑亭儀樹之右產瑞芝一本於石上長六
七寸祥光煥發觀者無不欣喜等語朕從來不
言祥瑞屢頒諭旨曉示臣民惟是建立

景陵

聖德神功碑今年甫經勒石告成而瑞芝卽產於碑
亭之右仰見

上天特賜嘉祥表揚我

皇考功德之隆盛朕心不勝慶慰該部知道欽此抄
出到部相應移咨該督可也等因到臣欽惟

我

皇上

大孝光昭

至誠丕應

德並乾坤而合撰二氣宣和

化周品物以咸亨五行順序花騰瑞蘭表

聖朝化育之功彩燦卿雲昭

盛世文明之治乃

一人孝思不匱屢徵秀毓山川俾萬類兆應靡涯

頻覩榮敷草木九莖仙種五色神芝旣獻瑞
於

景陵彰奕奕

勲華之應復呈祥於碑右顯巍巍

功德之符玉葉金柯借瑤草琪花並茂丹紋紫蓋
與蒼松翠柏爭妍惟淑氣之涵濡致奇英之
炳煥臣賡颺復旦歌咏昇平

聖祖治冠古今謨烈昭垂於萬世

皇上孝通造化敬誠感召夫千祥荷

聖訓之頻頒仰見

淵衷時做喜休徵之存至欣逢

景運維新良由積厚以流光自是重熙而累洽
堯天浩蕩寶曆綿蕤之春

舜日舒長福祚同苞桑之瑞臣不勝踴躍懽忭之
至理合恭疏題

賀伏乞

皇上睿鑒施行雍正七年十一月二十八日

題奉

旨該部知道欽此

恭賀黔省慶雲

題爲

聖德光昭祥雲叠現普天同慶恭申賀悃仰祈
睿鑒事雍正七年十月初十日准禮部咨開本年
八月二十一日奉

旨據總督鄂爾泰奏稱黔屬思州及古州之梅得
等處自七月初八日至閏七月十一日有五色
彩雲光輝燦爛叠秀爭華歷時經久一月之內
七見嘉徵等語朕嘗言天人相感之理捷於影

響督撫大臣等果能公忠體國實心愛民必能
感召

天和錫嘉祥於其所轄之地卽如鄂爾泰頻年駐節
本省祥雲三見於滇南今年以公事前往貴州
慶雲卽見於黔省又如今歲岳鍾琪領兵甘肅
而甘肅禾稼豐登田文鏡節制山東而山東秋
成大稔又如李衛總督浙江比歲以來境內農
田豐熟今年甫離浙境而衢屬山鄉卽有蛟水
泛溢之事舉此近事數端仰見

上天昭示顯然欲使君臣共知儆惕也朕素不言祥瑞所以屢年以來從未曾因嘉徵而受慶賀而敬慎之念日益加虔想中外臣民亦共知之矣夫

上天示人君以災祥一如人君加臣下以賞罰也人臣受君上之賞固不可侈然自足放逸驕矜若並無欣慰之心而不以爲慶則受君上之罰亦不知畏懼悛改此非矯情違衆之人卽胸無忌憚之輩矣人君之於

天其理亦復如是至如鄂爾泰之屢次奏報慶雲者
蓋以滇黔地方有此瑞應萬目共覩在人臣之
心無不願國家之蒙福兆庶之凝禧州縣申詳
而督臣陳奏此皆出於情理之不能自己倘有
心懷不肖之人或且議其爲迎合或且譏其爲
諂諛此皆藏幸災樂禍之邪心不止於春秋責
備賢者而已惟是滇黔遠省荷

上天之垂象加恩如此則大臣以及官弁兵民宜何
如之敬謹虔恭以永承

天貺是則所當夙夜加勉者也該部知道圖併發欽
此欽遵到部將圖存部外相應行文直隸各
省督撫轉行駐劄該省之提鎮文武各衙門
可也等因移咨到臣欽惟我

皇上

覆載同符

清寧合撰

治開凝命光昌上達乎紫微

化洽弘文巍煥遙連於黃道太和洋溢隨

景運而凝庥

至治感孚眷

聖人而垂象期當

萬壽卽著祥光地屬遐方頻昭瑞霽五星二曜奇
呈璧合珠聯兩珥參環輝映上承下載茲逢
銀漢澄秋之候又覩流霞捧日之休參井之
交拱北辰而絢彩黔滇之會依南極而增輝
郁郁精英萬姓同瞻麗景綿綿嘉瑞一月七
著天章

一姬美唐堯麗日協重華之慶

同揆虞舜卿雲奏復旦之歌加以物阜民安登
八埏於

壽域時和歲稔躋六合於春臺凡茲繁祉之誕膺
悉本

聖誠之昭格乃我

皇上聖不自聖時致警於

天心安益思安每

勤求乎吏治

申一誠之有感呼吸相通

昭兩大之無私纖毫不爽

臣欽承

天語益仰

皇猷矢志涓涓勵公忠而罔懈存誠旦旦凜敬畏
以加虔從茲倍竭丹忱與億兆同依臨照愈
勤修守歷萬年永慶平成

臣不勝踴躍懼忤
之至謹繕疏恭

賀伏乞

皇上睿鑒施行雍正七年十一月二十八日

題奉

旨該部知道欽此

恭賀萬蠶瑞繭

題爲

皇仁廣育瑞繭呈奇慶洽羣生恭疏申賀事雍正
七年十一月初十日准禮部咨開本年八月
十八日奉

旨前據浙江署督性桂署撫蔡士艸等奏進湖州
居民王文隆家萬蠶同織瑞繭一幅長五尺八
寸寬二尺三寸父老皆稱爲從來未有之事朕
恐小民圖利望恩或用人力造作而成亦未可

知因令性桂等詳細體訪務令確實勿爲所欺
昨性桂蔡士卣等於本地詳加驗看訪察實係
自然成就並不由於人工具摺覆奏前來廷臣
等以蠶桑織紉乃衣被之大原養民之切務今
浙省有此瑞應則小民溫暖可期咸爲國家稱
慶奏請宣付史館昭示萬世朕素不言祥瑞數
年以來每遇休徵必倍加乾惕儆戒所頒諭旨
至再至三想中外臣民共知之矣朕愛育元元
務期普天率土之人同霑實惠一時希有之物

不足以禦饑寒倘蒙

上天俯鑒惻誠錫福黎庶蠶桑普盛衣食充盈乃朕心之所謂祥瑞也朕命卿等觀看理應具奏然宣付史館之處可不必行欽此欽遵到部相應行文直隸各省督撫轉行駐劄該省之提鎮文武各衙門可也等因移咨到臣欽惟我

皇上

光被寰輿

恩周品彙

春臺廣闢集萬國之冠裳

仁域弘開沛八方之雨露

重農時而豐亨豫大嘉穀盈疇

飭蠶事而茂育繁熙柔桑匝野

太和翔洽啟蒼生衣被之原

大化旁流照繡壤珍奇之盛旣已休徵游至抑

且福應駢臻復有湖郡桑村苕溪蠶舍沐

聖朝之膏澤歲獲豐收彰

帝世之光華瑞呈翔見萬絲巧綴織文勝碧海鯨

綃巨幅精瑩麗色比銀河雲錦不事機杼之
製出自天成莫尋經緯之端非由人力仰

淵衷之鴻鑒

特命體訪加詳採輿論之咸孚具見化工丕著在
昔堯時霜繭惟間徑尺之長卽如仙圃香蛾
僅得百枚之數茲合萬蠶吐秀誠爲亘古奇
觀臣幸遇休嘉欣瞻毓瑞聆煌煌

聖訓厯

九重宵旰之經綸萃奕奕

天庥運百物生成之機軸自是人歌殷阜千秋

玉燭長調家慶豐亨萬世

金甌永固臣不勝踴躍歡忭之至理合恭疏題
賀伏乞

皇上睿鑒施行雍正七年十二月二十日

題奉

旨該部知道欽此

恭賀

闕里慶雲

題爲

聖主文治光昭曲阜慶雲瑞現臣民歡洽恭申賀
悃事雍正七年十二月十二日據分守濟東

道副使張體仁詳稱恭報

闕里欣睹慶雲等事詳報到臣欽惟我

皇上

道貫高深

治隆宇宙

闢四門以籲俊

宸衷接泗水文瀾

崇五教以作人

聖化闡尼山道脉瞻杏壇氣象

錫寶翰而光耀八紘溯麟紱源流加玉藻而爵隆
五代乃復發金錢於帑藏重營植檜之庭美
輪奐於宮牆廣映列槐之舍聿徵瑞應感眷
佑於

天心爰著祥符表虔誠於

帝德敬諏吉日將駕

聖廟之梁忽現卿雲預展璇霄之彩繽紛五色
儼如舞鳳翔鸞璀璨千層宛若奇峰秀嶂歷
午未申三時而吐艷遙捧赤日於中天合東
西南三面以廻環高拱

紫宸於北極

法宮虔格誠爲亘古靡加雲物揚輝洵屬千秋盛
事臣欣逢上瑞願賡復旦之歌幸際昇平仰

沐

重華之治瞻畫棟雕楹於

闕里永昭

聖德之輝煌覩金柯玉葉於蒼垠共慶

皇猷之巍煥從此三垣凝瑞億萬年

景運常新九有呈祥千百國車書並集臣不勝踴

躍懼忭之至謹繕疏題

賀伏乞

皇上睿鑒施行雍正七年十二月二十二日

題奉

旨該部知道欽此

恭賀登萊彩雲

題爲

聖德日新瑞雲時現普天洽慶恭疏申賀仰祈
睿鑒事雍正八年二月初二日據山東登萊青道
副使孫蘭芬呈據萊州府知府王榮賜登州
府知府楊弘俊詳稱雍正七年十二月二十
八日亥時仰見西北彩雲旋繞夜明如晝更
歷亥子丑時之久各等情到臣欽惟我

皇上

撰合乾元

道弘坤載

備中和以行健緝熙隆參贊之功

廣化育以敦仁格被茂裁成之績

聖敬躋而丹霄應瑞疊燦榮光

皇極建而紫洛呈奇頻昭朗象緬彼溟黔遐壤絢

爛祥光今茲齊魯名區彌綸異彩煥綺霞於

泗水尼山之上旣適逢

文廟重光凝瑞靄於方壺員嶠之間復咸仰首

春嘉兆繡文與錦章並麗紉縵中霄金柯共
玉葉交輝續紛午夜儼五色之翔鸞翥鳳渤
海光聯恍千層之高觀重樓岱宗彩映惟
帝德之感孚彌至斯

天心之福佑加隆特彰照夜奇觀益著

聖朝上瑞臣恭逢盛事忝荷殊榮仰

至治於平成期殫修防之職感

鴻庥於清晏方廣喜起之歌乃瑞叶重華益覩

皇猷之巍煥祥符復旦永昭

帝業之輝煌從此

玉燭長調綿億萬年之寶曆

金甌鞏固握千百世之璿圖

臣

不勝踴躍懼忭

之至謹繕疏恭

賀伏乞

皇上睿鑒施行雍正八年二月二十二日

題奉

旨該部知道欽此

恭賀晉省保德卿雲

題爲

帝德格

天卿雲捧日寰輿治慶率土騰歡恭疏申賀仰祈

睿鑒事雍正八年二月十二日准禮部咨開雍正
七年十二月十九日奉

旨據山西巡撫石麟奏稱本年十一月初二日保
德州地方忽覩卿雲捧日外繞三環光華四射
萬民歡慶以爲從來未有之嘉徵等語山西民

風由來淳樸今年辦理軍需其踴躍急公爭先
恐後一片忠君親上之忱惻實爲罕見朕已降
旨褒嘉並免其額徵錢糧以示恩賞乃不旬日
之間該地方卽有卿雲捧日之瑞天人相感之
機捷於影響又如湖南風俗澆漓致有曾靜張
熙輩懷藏逆志犯上作姦是以屢年以來水澇
爲災收成歉薄卽二省近事觀之仰見

上天善惡之報絲毫不爽若但朕心宵旰焦勞思欲
移風易俗而百姓不肯洗心滌慮改過於隱微

而欲上感

天和錫以福慶此必無之理也朕之屢次曉諭者並非推卸其責於臣民也但實有見於天人感應之道確然如此而朝乾夕惕寤寐弗忘億萬臣民果能體朕此心各自儆醒則上下交修安有不受

上天之福佑者哉總之朕爲天下萬民主民風良善乃朕教化之所當然而民俗乖張必朕轉移無術之所致在朕則實無可諉也着將此旨並諭

湖南官民知之該部知道欽此欽遵到部相應
行文該督轉行駐劄該省之將軍提鎮文武
各衙門可也等因到臣欽惟我

皇上

化日長融

薰風普被

鼓太和於禹甸峻德茂昭

錫多福於箕疇繁禧協應祥符幅帙彰異彩於
九垓瑞兆升恒耀殊輝於八柱卽如冀州舊

壤晉水名區俗樸民淳克服尊親之訓赴功
趨事常懷愛戴之誠我

皇上

諄切勸忠

隆施賞善

紫綸飛下千村喜氣風生

丹詔擎來萬井歡聲雷動擊壤歌衢之衆共沐陽
春含哺鼓腹之僑同沾膏雨於是天人適協
感應旋昭

至德輝煌雲興五色

鴻猷巍煥日拱三環恍同舒艷之金柯娟娟秀麗
儼若凝華之綺繡奕奕鮮妍允昭昌熾休隆
益著文明景象臣河防忝職嘉祉欣逢展瑞
氣於蒼垠悉本

湛恩廣被著榮光於碧落皆由

愷澤覃敷從此一道同風處處胥成

仁域飲和食德人人共入

春臺河岳休祥叶千百國

聖壽無疆之頌苞符上瑞永億萬年

皇風有道之徵臣不勝踴躍歡忭之至謹繕疏恭
賀伏乞

皇上睿鑒施行雍正八年二月二十四日

題奉

旨該部知道欽此

恭賀遵化鳳凰翔集都勻石芝挺生

題爲彩鳳來儀金芝挺秀

皇仁應瑞寰宇騰懽事雍正八年二月十二日准
禮部咨開雍正七年十二月二十一日奉

旨連年以來雲南地方屢有卿雲醴泉之瑞蓋因
總督鄂爾泰公忠體國以善政化導官民人從
其教和氣致祥是以仰蒙

上天疊昭瑞應朕之所以宣諭臣民者蓋欲使天下
之人共知天人之道有感必通黽勉爲善以共

受

上帝之福佑也今覽沈廷正所奏朕言益可徵信朕從來不言祥瑞如尙崇廩奏報遵化州天台山有鳳凰翔集鄂爾泰奏報都勻府苗疆有石芝叢生朕皆未宣示廷臣天下之人勿誤以朕爲誇張祥瑞而忘自修之道也沈廷正所奏知道了該部知道欽此欽遵到部相應行文該督轉行駐劄該省之將軍提鎮文武衙門可也等因移咨到臣欽惟我

皇上

化溥八紘

恩周萬彙

播聲教於南朔東西之壤匝地薰風

茂生成於飛潛動植之倫普天甘雨

堯雲舜日啟景運之光昌

禹鼎湯盤鼓太和之洋溢是以兩間之大並著

繁禧六服之遙皆呈嘉兆茲者朝陽丹鳳翔

集

皇畿毓瑞神芝叢生黔域翩翩舉翰特昭

聖治之光華奕奕敷榮仰荷

恩光之格被峻嶺崇岡之上群瞻六象雲儀蒼松
黛栢之間共覩九莖仙種惟我

皇上道備中和而建極萬方向善以同風功參化
育以施仁百物蒙休而咸若是以來遊神島
望

丹闕以揚輝兼之疊產奇英拱

紫宸而舒艷允矣天人適協誠哉感應交孚臣幸

際

昌期欣逢

盛世榮河溫洛頌揚之微悃方殷膏露醴泉拜獻
之虔衷實切乃復嘉祥游至上瑞駢臻

聖德冠乎古今振威鳳九苞之彩

帝治孚乎遐邇耀石芝三秀之奇從此金檢玉符
偕澤馬器車並表

一人之有慶丹紋紫蓋與琪花瑤草同祝

萬壽之無疆臣不勝踴躍懼忭之至謹繕疏恭

賀伏乞

皇上睿鑒施行雍正八年三月十九日

題奉

旨該部知道欽此

恭賀臨晉卿雲麗日文水河渠自成

題爲卿雲麗彩頻昭汾水

神功丕應

聖治光昌普天同慶事雍正八年二月十二日准
禮部咨開七年十二月二十一日奉

旨昨據山西巡撫奏報本年十一月初二日保德
州慶雲呈瑞今又奏報十二月初一日臨晉縣
卿雲麗日歷午未申酉四時五色繽紛霞光萬
道又據布政使蔣洞摺奏從前汾河形勢惟文

水縣地勢低窪河身淤淺是以議開引渠二道
正河一道今年六月內汾河水發河道改流文
水縣白青高村至尹家社各開引渠二道舊時
漫流已爲沃壤而東城村欲開之河現今寬濶
十餘丈或數十丈衆水會同河身長二十五里
直達歸漕經年累月人力不能成之功天然疏
濬等語朕思晉省民風由來醇樸是以感召

天和屢歲皆登豐稔卽如近日預備軍需民情踴躍
爭先恐後悉出至誠觀此尊君親上之念則其

孝親敬長克敦行誼可知而地方官員平日訓導有方亦卽此可見是以仰蒙

上天昭示瑞應以獎官民之善朕心深爲慰悅着照河南例通行所屬府州縣將人材品行可備任使者不拘人數資格秉公舉出該撫再加遴選具題奏聞送部引見并令各州縣於常例歲舉老農外再各舉一人給以八品頂帶以示朕褒嘉善俗廣沛恩膏之至意該部知道欽此欽遵到部相應行文該督轉行駐劄該省之將軍

提鎮文武各衙門可也爲此合咨前去查照
施行等因移咨到臣欽惟我

皇上

德合清寧

功參覆載

堯雲普蔭萬方昭格被之光

舜澤覃敷四海頌平成之績祥符慶霽屢徵

聖德輝煌瑞應甘泉共沐

皇仁浩蕩茲者雲與臨晉繼方州而復現光華地

接汾河汕深渠而自成形勢煥彩歷四時之
久咸仰昭回歸漕會衆派之流無需利導儼
若翔鸞翥鳳彰

景運之文明恍如溫洛滎河溥

太和之膏潤紛綸萬象亘古希逢灌注百川生民
有賴乃率土頌聲交作

宸衷謙德彌光年歲順成嘉美士民忠孝閭閻樂
善

特宣綸綍褒揚誠哉

至治靡加允矣

隆庥莫媿

臣

河防忝職幸沐

洪恩上瑞欣瞻敬抒微悃雲霞吐色由

聖人之大德格

天川瀆循流本

元后之至仁育物從此輝騰九野永凝瑞氣於薇
垣波靜三門長應休符於德水金泥玉檢億
萬年固

寶鼎之基澤馬山車千百國拱

泰階之運臣不勝踴躍懼忭之至謹繕疏恭
賀伏乞

皇上睿鑒施行雍正八年三月十九日

題奉

旨該部知道欽此

恭賀

景陵產瑞芝三本

題爲

聖孝昭格

天心福地疊呈芝瑞恭申賀悃仰祈

睿鑒事雍正八年三月二十四日准禮部咨開本
年二月初六日奉

旨

景陵寶城山上首春產瑞芝三本諸王大臣等奏稱

爲朕純孝之所感召朕撫躬自問生平事我
皇考不敢當純孝之名但誠敬之心數十年如一日
此則可以自信自御極以來不但一言一事皆
仰體

聖心而後見諸施行卽夢寐之中一念舉發從無有
知其不合

聖意而敢存於胸臆者諸王大臣等稱朕以
皇考之心爲心此實朕之惻忱至云朕以
皇考之政爲政朕之才力遠不逮我

皇考舉凡宣猷敷治之間雖黽勉效法究不能企及
於萬一何能致芝草之嘉祥諸臣以此歸美於
朕朕不居也實因我

皇考之聖德神功際天蟠地深仁渥澤積厚流光

上天特欲顯示天下臣民是以數年之中三見芝英
於

陵寢似今之歷霜雪而挺生當首春而呈瑞稽諸史
冊更屬罕聞朕感

上天昭示之弘恩叨

皇考貽謀之景福慶幸歡欣不敢不宣布於衆庶使
天下之後世臣民知

上天之眷佑

皇考與

皇考之垂裕萬年者卽瑞芝一事明顯昭著信而有
徵固如是也著照所請宣付史館欽此抄出到
部移咨到臣欽惟我

皇上

大仁大孝

至聖至誠

履中蹈和裕參贊經綸之治

存神過化溥蕩平正直之風惟

紹衣而永涵精一於心源斯

繩武而式煥勲華於治統修和府事九州樂頌

昇平感應天人萬彙駢臻嘉兆庥凝慶集月

盛日新山川秀毓奇英特表

一人之純孝草木榮敷異彩聿彰

元后之精誠恭遇

景陵寶城之上挺生五色神芝仍於

碑亭儀樹之旁蔚產九莖仙種芳含瑞雪艷吐
青陽色比雲霞形呈綺繡金柯奕奕偕瑤草
而競麗丹臺紫葢森森共琪花而增妍蓬島
宣昭史冊萃彤管之光華傳播寰區壯黃輿
之氣象率土臣工溢慶普天兆庶騰歡臣幸
際

昌期欣瞻上瑞伏念

聖祖治道極隆峻業永垂於萬世

皇上孝思不匱

蒼穹因錫以千祥聆

明訓而共仰

淵衷印

心傳而益崇

帝德自此重熙累洽源遠流長

舜日凝輝玉葉並扶桑而永耀

堯雲煥彩瓊枝同瑞莢以長榮臣不勝踴躍懼忤

之至謹恭疏題

賀伏乞

皇上睿鑒施行雍正八年五月初四日

題奉

旨該部知道欽此

恭賀瑞穀

題爲瑞穀敷榮顯昭

帝德繪圖刊布仰沐

皇仁亘古奇逢普天同慶事雍正八年十月十八
日內閣頒發

皇上欽賜瑞穀圖到臣隨恭設香案望

闕叩頭謝

恩祇領訖欽惟我

皇上

九德當陽

六符御極

堯雲布濩徧九州藹藹春臺

舜日溫和合六宇融融樂土休徵屢現嘉兆頻
彰璧合珠聯朗昭回於乾曜波澄浪靜忻獻
瑞於河清卿雲紉縵以凝輝芝萼繽紛而煥
彩翱翔威鳳來儀首善之區汪濊甘泉漸被
邊陲之地皆木

一人之有道聿臻萬福之攸同

聖主軫念民依日勤宵旰

上帝感孚

至德永錫豐穰誕降嘉禾產生瑞穀直省之屬旣
歌多黍多稌偏徼之區復咏如墉如櫛種凡
四十有六穗計一萬八千維秬維秠維糜維
芑大有特書實穎實栗實好實堅屢豐興頌
上瑞自遐方進獻繪圖從

內府刊成

鳳藻遙頒

綸綍沛仁風化雨

鴻章廣布縹緗煥萬寶百昌以

聖不自聖之

淵衷召此康年之景象以安益求安之

睿慮致茲多稼之祥符萬方粒食騰歡四海農夫

胥慶

臣欣逢

盛世幸覩庥庥修守維殷冀登蒸黎於衽席米

淵是惕敬承

宥密之精勤俯聆

聖訓煌煌益加黽勉快覩瑞圖奕奕彌切拜颺從
此

玉燭長調

璇衡順序五風十雨處處青疇翠畝稷翼黍與
二稻八蠶村村白叟黃童含哺鼓腹比戶可
封千百國共樂

昇平之有象嘉祥並集億萬載永歌

景運之維新臣不勝踴躍懼忤之至謹繕疏恭

賀伏乞

皇上睿鑒施行雍正九年正月十九日

題奉

旨該部知道欽此

恭賀河州河清

題爲

聖治光昭河清瑞應普天慶溢率土歡騰事雍正
八年十一月初五日准禮部咨開本年八月
十八日奉

旨王大臣等以河州地方黃河澄清合詞奏賀朕
從來不言祥瑞諒王大臣等久已深知朕心朕
之祇事

上帝神明惟以公誠一念爲昭格之本果蒙

上帝垂鑒頻年顯示嘉祥觀公誠之感通神捷如此則懷不公不誠之心者豈能逃於

上天之譴責乎朕心不但不敢矜誇且因此倍加乾惕更願天下臣工士庶各矢公誠之念以受

上天之恩著照王大臣等所請宣付史館俾世世子孫臣民恪遵朕訓以綿福澤欽此欽遵到部相應行文該督轉行所屬文武各衙門一體遵照可也等因移咨到臣隨恭設香案望

闕叩頭慶

賀訖欽惟我

皇上

道配乾元

德符坤厚

沛彌綸之愷澤績底平成

溥汪濊之恩波功弘漸被

堯雲舜日仰

帝治之光華

周露商霖沐

王風之熙皞百昌集慶載玉管以書祥萬象凝禧
捧瑤牋而紀瑞稽九河之旣導並四瀆以稱
尊探星海而銀漢遙連溯崑崙而龍門直下
名傳德水旁潤靡涯瑞啟榮光聿彰有道我

皇上

含弘大化

保合太和

睿慮周詳切防川之咨警

宸猷淵廣隆治水之功勲度地經營因時裁制合

南北以施

碩畫兼疏築以顯

弘模浪靜三門共覩安瀾於

聖世波恬九曲咸瞻底定於

熙朝

大德感孚已驗澄清之嘉兆

至誠昭格復彰湛澈之鴻庥積石名區河州勝地

淵泓中外湛碧源流朗映冰壺照雲霞而動
色光開寶鑑浴日月以生輝豈惟慶溢圖書

洵足光昭史冊臣河防忝職

聖訓祇承幸遇

昌期鼓舞與悚惶備至欣逢

上瑞拜颺共黽勉交殷虔展葵忱敬申燕

賀白是表延萬里永澄貝闕之瓊沙襟帶百川

常靜蛟宮之玉浪

彤廷受祉神魚出水以呈麻

紫禁膺圖龍馬凌波而獻瑞矣臣實切踴躍懼忝

之至謹繕疏恭

賀伏乞

皇上睿鑒施行雍正九年三月十八日

題奉

旨該部知道欽此

恭賀

景陵產石芝一本彩芝四本

題爲

聖武布昭

天庥滋至

孝誠感召瑞應靈芝恭疏慶

賀仰祈

睿鑒事雍正十年十一月十二日准禮部咨開本年十月十九日奉

旨朕從來不言符瑞時時訓諭天下臣民屏虛文而務實行是以數年來各處奏報慶雲嘉穀等事朕悉降旨訓勉未嘗宣示於外以爲祥瑞也惟是今歲秋間準噶爾賊人侵犯北路深入我境我師奮擊大獲全勝殲賊萬餘而我官兵損者僅六十餘人行間軍士及邊外蒙古無不額手歡呼以爲從來未有之大捷非荷

上天

皇考默佑何能至此朕心方深感激而瑞芝恰產於

景陵天人協應信而有徵仰見

上天

皇考福國庇民特錫嘉祥以昭示天下之臣庶也朕
與諸大臣等同此慶幸歡忭之惓忱所奏知道
了著照所請宣付史館欽此等因移咨到臣隨
恭設香案望

闕叩頭慶

賀訖欽惟我

皇上

治協纘承

孝隆繼述

漸仁摩義被文德以覃敷

大烈耿光揚武功而耆定洽

天心而彰上瑞萬國咸寧弘

祖德而召奇祥四方來賀是以存神過化靡一人不

荷裁成動植飛潛無一物不蒙化育惟

聖主之精誠愈篤斯

昊蒼之眷佑益昭比者塞外餘氛師中

大捷仰賴

天戈遐鬯六軍揚萬里之威

廟畧弘施一怒建三驅之績龍堆雁磧雲霞耀鏡
甲之光瀚海流沙雷電鼓鉦鐃之氣殲茲烏
合用整鷹揚溯天河而挽洗甲兵普滋雨露
遍巖岫而震驚草木永靖烽烟

天地合謀山川助順是以奏膚功於荒服枯朽咸摧
昭符應於

景陵芝英疊見仰惟

聖祖仁皇帝

道全德備

治定功成

敷上蟠下際之鴻猷丕基永奠

顯紹往開來之駿烈景運綿長今茲符瑞之榮昭

悉本

孝誠之風格蓋

聖祖貽謀有永致

上天嘉貺頻臻我

皇上昭格惟虔

寶域休嘉協應伏覩金柯煥彩因知積厚流光敬瞻
玉葉敷榮咸被太和元氣歷稽史冊端由

聖孝之徵載考圖經實荷

仁慈之瑞九莖煜煜適見於櫬槍掃靖之時五色煌
煌疊敷於

福地凝庥之日感通一氣現三秀之菁英瑞著兩儀
徵萬年之枝幹歡騰中外喜溢臣民臣躬際
昇平欣逢

聖訓自憐弱植備蒙

培養深仁忝任宣防久誌澄清大慶伏願

堯風普被

舜日常依

瑞協河山異彩耀琪花而更麗

光昭寰宇靈根同瑤草以長春

臣無任踴躍

慶之至理合恭疏題

賀伏乞

皇上睿鑒施行雍正十年十一月二十八日

題奉

旨該部知道欽此

恭賀

闕里慶雲再見

題爲

聖朝上瑞光昭

闕里慶雲再見恭疏慶

賀仰祈

睿鑒事雍正十年八月十三日准禮部咨開奉

旨據山東巡撫岳濬奏稱曲阜縣六月二十五日

午時皎日正中有慶雲捧於日輪之下五色俱

備寶光燦煌又於日之西南有霞光三道絢爛增輝歷午未二時綢繆不散正值林園工竣之時上瑞疊臻千秋罕遇等語朕素不言祥瑞惟有朝乾夕惕感

上天垂象示儆之恩何敢冀嘉祥之疊錫已屢降諭旨訓敎天下臣民但自信生平尊

師重道之心至誠至敬闕里爲

聖人之鄉尤切羨牆之慕乃前歲文廟重新慶雲湧現今者林園工竣復覩嘉祥或者朕誠敬之

裏爲

神明之所歆格故顯示以象用昭日監在茲之義
歟朕感慶之下倍增虔悚爰諭天下臣民共知
之欽此相應行文該督轉行通省之文武大小
各衙門一體欽遵曉諭可也等因移咨到臣
隨恭設香案望

闕叩頭慶

賀訖欽惟我

皇上

化洽萬方

光昭四表

懋崇高之至德比峻尼山

沛浩蕩之深仁承源泗水

道隆參贊集羣聖之大成

治協中和邁百王而首出是以昭圓著象聿彰

文治之益隆豫順徵庥共荷

恩光之普被維茲

聖廟尤厯

宸衷內帑

特頒寶屬

九重之盛典泮宮

勅建更新三代之弘規前此宮牆丕煥之時喜見
慶雲之應瑞今茲林域竣工之日復呈捧日
之殊祥亘萬丈之榮光遠環

紫極絢一輪之彩色朗映丹霄爛熳金柯接古
檜靈著而挺秀網緼玉葉蔭泮芹渚藻以交
輝後先三載之中兩經湧現午未二時之內

萬姓欣觀仰茲璀璨之天章實喜文明有兆
臻此頻仍之

繁祉益徵曆服無疆慶溢羣工懽騰兆庶仰惟
皇上敬

天法

祖因之屢召休徵加以

重道尊

師用是登彰嘉慶

睿懷欽翼猶乾惕之彌殷

聖德感孚致光華之益著臣幸逢瑞美願倍切於

瞻雲忝任宣防心實虔於向日瞻依曷極忭

舞難名惟祝

皇圖昌熾於萬年萬國慶重華之盛

帝業輝煌於萬世萬民興復旦之歌臣實切踴躍

懼忭之至理合恭疏慶

賀伏乞

皇上睿鑒施行雍正十一年正月二十一日

題奉

旨該部知道欽此